



Մ Ա Յ Ր Ա Թ Ո Ւ Ո Ւ Մ

Փետրվարի 5-ին՝ կիրակի.— Բուն Բարեկենդան. Մայր տաճարում պատարագեց հոգ. տ. Գևորգ վրդ. Սերայդարյանը, և Վեհափառ Հայրապետը քարոզեց «Ահաւասիկ Գառն Աստուծոյ, որ բառնայ զմեզ աշխարհի» բնարանով:

Փետրվարի 8-ին՝ չորեքշաբթի.— Մայր տաճարում սկսվեցին Մեծ պահոց հատուկ արևազալի, ճաշու, խաղաղականի և հսկման արարողությունները:

Այսօր Վեհափառ Հայրապետը նախագահեց Մայր տաճարում արևազալի առաջին հանդիսավոր ժամերգության:

Փետրվարի 10-ին՝ ուրբաթ.— Երեկոյան ժամը 6-ին, վեհարանում, Վեհափառ Հայրապետի բարձր նախագահության ներքո, գումարվեց Գերագույն հոգևոր խորհրդի հերթական նիստը:

Փետրվարի 12-ին՝ Առաքման կիրակի.— Մայր տաճարում պատարագեց արժ. տ. Հակոբ քահ. Հակոբյանը: Քարոզեց գեր. տ. Հուսիկ եպս. Սանթրոյանը՝ «Քննեցեք զանձինս ձեր, եթէ կայցեք ի հաւատս ձեր» բնաբանով:

Պատարագին ներկա էր Վեհափառ Հայրապետը:

Փետրվարի 13-ին՝ երկուշաբթի.— Երեկոյան ժամը 5-ին Մայր տաճարում կատարվեց Տեառնդառաջի նախատոնակը՝ նախագահությամբ Վեհափառ Հայրապետի:

Երեկոյան ժամը 7-ին՝ վեհարանի բակում, պատրաստվել էր Տեառնդառաջի ավանդական խարույկը: Վեհափառ Հայրապետը, շրջապատված Մայր Աթոռի միաբաններով, հոգևոր ճեմարանի դասախոսներով և ուսանողներով, կրակ տվեց խարույկին՝ ընդհանուր ուրախության մեջ: Այնուհետև ուսանողները երգեցին և ուրախացան խարույկի շուրջը:

Ժամը 9-ին Վեհափառ Հայրապետը բարեհաճեց թեյի սեղանի շուրջ համախմբել Մայր Աթոռի միաբաններին և ճեմարանի դասախոսներին:

Փետրվարի 14-ին՝ երեքշաբթի.— Տեառնդառաջ. Մայր տաճարում պատարագեց արժ. տ. Հովհաննես քահ. Մարությանը: Քարոզեց հոգ. տ. Ներսես ծ. վրդ. Պողոպալյանը «Արդ արձակեա՛ զժառայս քո Տէր, զի տեսին աչք իմ զփրկութիւն քո» բնաբանով:

Փետրվարի 19-ին՝ Անառակի կիրակի.— Մայր տաճարում պատարագեց արժ. տ. Նշան քահ. Բեյլերյանը: Քարոզեց՝ տ. Մուշեղ վրդ. Պետիկյանը՝ «Ձի այս որդի իմ մեռեալ էր և եկեաց, կորուսեալ էր և գտաւ» բնաբանով:

Փետրվարի 26-ին՝ Տնտեսի կիրակի.— Մայր տաճարում պատարագեց հոգ. տ. Մուշեղ վրդ. Պետիկյանը, իսկ հոգ. տ. Ներսես ծ. վրդ. Պողոպալյանը քարոզեց «Տուր զհամար տնտեսութեան քո» բնաբանով:

Մարտի 4-ին՝ ուրբաթ.— Երեկոյան ժամը 3-ին, վեհարանում, Վեհափառ Հայրապետի պարծր նախագահութեան ներքո, գումարվեց Գերագույն հոգևոր խորհրդի նիստը:

Մարտի 5-ին՝ Դատավորի կիրակի.— Մայր տաճարում պատարագեց հոգ. տ. Ներսես Ժ. Վրդ. Պողոսյանը: Քարոզեց հոգ. տ. Արսեն վրդ. Բերբերյանը՝ «Պարտ է յամենայն Յամ կալ նոցա յաղօթս և մի ձանձրանալ» տնարանով:

Մարտի 9-ին՝ ճիւղաբարձի.— Առավոտյան, Վեհափառ Հայրապետի բարեհաճ կարգադրութեամբ Մայր Աթոռի միաբան հոգ. տ. Արսեն վրդ. Բերբերյանը մեկնեց Ժնև (Շվեյցարիա)՝ հետևելու Ժնևի համալսարանի եկեղեցագլխական դասընթացներին:

Մարտի 11-ին՝ շաբաթ.— «Տօն ս. Գրիգորի Լուսաւորչին մերոյ սոսկալի շարչարանաց և մօտին ի Վիրապն»: Օրվա տոնի առիթով փակ էր հոգևոր ճեմարանը:

Մայր տաճարում պատարագեց հոգ. տ. Նարեկ վրդ. Շաքարյանը և քարոզեց Լուսավորչի կյանքի և գործունեութեան մասին՝ «Գրիգոր սուրբ հայրապետ, որ զհաւատս ուսուցեր» բնարանով:

Երեկոյան ժամը 6-ին, վեհարանում, Վեհափառ Հայրապետի բարձր նախագահութեան ներքո գումարվեց Գերագույն հոգևոր խորհրդի նիստը:

Մարտի 12-ին՝ Գալստյան կիրակի.— Մայր տաճարում պատարագեց արժ. տ.

Մկրտիչ քահ. Մկրտչյանը: Քարոզեց՝ տ. Գևորգ վրդ. Սերայդարյանը՝ «Կոչնատերն ահեղ, կոչողն ահաւոր, դատաւոր անաշտո, դատաստանն արդար, հրեշտակ անողորմ, դատեն զմեղաւորս» բնարանով:

Գերագույն հոգևոր խորհուրդը իր 1965 թվականի սեպտեմբերի 7-ի հերթական նիստում արձանագրեց նախկին Մեսրոպ վարդապետ Պալյանի 1965 թ. ապրիլի 14 թվակիր դիմումագիրը՝ հոգևոր ասպարեզից հրաժարվելու մասին:

Գերագույն հոգևոր խորհուրդը որոշեց խնդրել Վեհափառ Հայրապետին՝ կարգալուծ հռչակել իր ուխտը դրժող Մեսրոպ վարդապետ Պալյանին և նրան դասել ի շարս աշխարհականաց՝ հորեն Պալյան իր նախկին անունով:

Վեհափառ Հայրապետը իր 1965 սեպտեմբեր 10 թվակիր վճռով կարգալուծ հռչակեց նախկին Մեսրոպ վարդապետ Պալյանին:

Գերագույն հոգևոր խորհուրդը իր 1967 թ. փետր. 7 թվակիր հերթական նիստում արձանագրեց նախկին Գրիգոր վրդ. Եղիայանի 1966 թվականի նոյեմբեր 14 թվակիր դիմումագիրը՝ հոգևոր ասպարեզից հրաժարվելու մասին:

Գերագույն հոգևոր խորհուրդը որոշեց խնդրել Վեհափառ Հայրապետին՝ կարգալուծ հռչակել իր ուխտը դրժող Գրիգոր վրդ. Եղիայանին և նրան դասել ի շարս աշխարհականաց Հովհաննես Եղիայան իր նախկին անունով:

Վեհափառ Հայրապետը իր մարտ 17 թվակիր հրամանով կարգալուծ հռչակեց նախկին Գրիգոր վրդ. Եղիայանին:

